



**Na Vosa Ni
KALOU**

**Me Baleti
Iko**

Koi au, io koi au ga ko Jiova ka sa sega tale nai Vakabula, koi au ga. Au a buli vuravura, ka'u a bulia talega na tamata e tiko kina; io na ligaqu ga, sa tevuka na lomalagi, kei na kena vavakoso kecega ka'u sa vakarota. Ko sa sega beka ni kila? ko sa sega ni rogoca? ko koya sa Kalou ka tawa mudu, ko Jiova, ko koya ka bulia nai yalayala kei vuravura; e na sega ni malumalumu ko koya, ena sega ni oca; sa sega ni dikevi rawa na nona vuku.¹

Mo Rogoca Na Vosa Ni Kalou

Me vaka na ka sa volai, Sa sega e dua sai valavala dodonu, sa sega sara e dua: Ni sai valavala ca ko ira kecega na tamata, ka ra sega ni yacova na ka e vakarokorokotaki kina na Kalou; me ra sinai e na ka kecega e ca, e na yaloca, e na daukocokoco, e na dauveivakacacani; me ra sinai e na vuvu, e na laba, e na veileti, e na dauveivakaisini, e na yalocudrucudru; me ra dauvakasolokakana, me ra daukakase, me ra daucata na Kalou, me ra vosalevu, me ra viavialevu, me ra daudokai ira, me ra dauvakavuna na ca, me ra dau talaidredre kivei ira na nodra qase, me ra sega ni yalomatua, me ra yalayala ka lasu tale, ka ra sa caca veiwekani, era sega ni yaloloma: ia ni ra sa kila tiko na lewa ni Kalou, ni sa dodonu me mate ko ira era sa kitaka na veika oqo, era sa sega ni kitaka walega ko ira, era sa dauvinakati ira talega era sa daukitaka. Ia me vaka sa lesi me mate vakadua ko ira na tamata, ka me qai muri na siga ni lewa: sa vakacabori vakadua vaka talega kina na Karisito me cudruvi e na vuku ni valavala ca ni lewe vuqa; ka na rairai mai vakarua ko koya ki vei ira sa waraki koya me ra bula, ia ena sega ga mei soro. Ia ko ira na daurere, kei ira e vakatitiqa, kei ira

era vakasisila, kei ira na daulaba, kei ira na dauyalewa, kei ira era kila ka-vakatevoro, kei ira sa dausoro ki na veimatakau, kei ira na daulasu kecega, sa votai vei ira na nodrai votavota e na drano sa caudre kina na buka kei na sulifure: ia oqo nai karua ni mate. Ia, kevaka dou sa sega ni veivutuni, dou na mate kece vaka talega kina.²

Ni sa lomani ira na kai vuravura vakaoqo na Kalou, me solia kina na Luvena e dua bauga sa vakatubura, me kakua ni rusa ko ira yadua era sa vakabauti koya, me ra rawata ga na bula tawa mudu. Ni sa kenai sau ni valavala ca na mate: ia sai solisoli walega ni Kalou na bula tawa mudu, e na vuku i Jisu Karisito na noda Turaga. Ni sa sega ni tala mai na Luvena ki vuravura na Kalou me cudruvi ira na kai vuravura; me bula ga ko ira na kai vuravura e na vukuna. Ia na Kalou sa vakatakila na nona loloma vei keda, ni sa mate na Karisito me nodai sosomi ni da sa tamata ca. Na Kalou e sa vakaturi koya cake tale mai na mate: O koya oqo sa vakalevulevui koya cake kina na Kalou, a sa solia vua e dua na yaca sa uasivi cake e na yaca kecega: me tekiduru kina e na yaca i Jisu na duru vakaaduaga, mai lomalagi, kei vuravura, kei na ruku i vuravura; me vakatusa talega na yame kecega ni sa Turaga ko Jisu Karisito, me vakarokorokotaki kina na Kalou na Tamada. Ni na bula ko ira vakaaduaga era sa masuta na yaca i Jiova.³

Ia ko ira kecega sa vakabauti koya, sa solia vei ira ko koya me ra yaco rawa me ra luve ni Kalou, vei ira sa vakabauta na yacana: Arau sa kaya, Vakabauta na Turaga ko Jisu Karisito, ko na bula kina, kei ira talega na nomu lewe-ni-vale. Me vaka na ka sa volai: ni sa loloma

walega dou sa vakabulai kina e na vuku ni vakabauta; ia sa sega ni vuna koi kemudou; ai solisoli ga ni Kalou: sa segai e na vuku ni cakacaka, me kakua kina e dua me dokai koya.⁴

O koya sa vakabauta na Luvena, sa rawata na bula tawa mudu: ko koya sa sega ni vakabauta na Luvena, e na sega ni raica na bula; a sa tiko ga vei koya na cudru ni Kalou. O koya sa vakabauti koya sa sega ni cudruvi: ia ko koya sa sega ni vakabauta sa qai cudruvi, ni sa sega ni vakabauta na yaca ni Luve ni Kalou, e le dua bauga sa vakatubura ko koya. Dou golevi au mai, mo dou vakabulai, nai yalayala kecega kei vuravura: ni sai au na Kalou, ka sa sega e duatani tale.⁵

1. Aisea 43:11; 45:12; 40:28.

2. Roma 3:10,23; 1:29-32; Ipe.9:27, 28; Vaka.21:8

3. Joni 3:16; Roma 6:23; Joni 3:17; Roma 5:8; Caka.13:30; Fili.2:9-11;
Roma 10:13

4. Joni 1:12; Caka.16:31; Efe.2:8-9

5. Joni 3:18,36; Aisea 45:22

Kevaka ko sa digitaka mo vakabauti Jisu Karisito me nomu i
Vakabula ni oti na nomu wilika na tiki dua oqo, kerea mo na qai
volavola mai ka vakaraitaka mai vei keitou.

Yacamu: _____

Na Nomu I Tikotiko (Kato ni Meli) _____

Koroturaga: _____ Vanua: _____

Yabaki Ni Bula: _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 7114 (Fijian)

All tracts free as the Lord provides. Not to be sold.